



أساسيات الطريق إلى الله

الدرس (14) | سوبر ملتزم



م / علاء حامد

فريق التفریغات



الحمد لله وأشهد أن لا إله إلا الله وحده لا شريك له وأشهد أن محمداً عبده
ورسوله (صلى الله عليه وسلم) أما بعد:

مقدمه (تذكير بالدرس الماضي)

هذا درس جديد من دروس هذه السلسلة الطيبة التي نتناول فيها "الأساسيات
في الطريق إلى الله" ففي طريقك إلى الله هناك أمور أساسية لابد أن تسير عليها حتى
تصل إلى الله. ولن يتحقق وصولك إلى الله الذي تريد حتى تسير على هذه القواعد ، الي
كل مرة بتتناول منها قاعدة أساسية وكنا المرة الي فاتت اتكلمنا عن قاعدة أساسية وهي
قاعدة التعامل مع الوالدين .كيف يكون علاقة الملتزم مع الوالدين وإزاي يعني إحنا
عندنا أخطاء هائلة في المسألة ديه. في الدرس الي فات هو كيف نتعامل مع الوالدين بعد
الإلتزام.

الجدية والهمه والعزيمه في الطريق الى الله

لكن بين أيدينا اليوم درس مهم هذا الدرس هو ليس مرحلة في الإلتزام، وليس
خطوة معينة في الإلتزام، إنما هي حاجة لابد أن تلازمك طوال الطريق. يعني مينفعش
تنفك عنك؛ لأن هي إذا انفكت عنك أثناء طريقك إلى الله يعني يخشى الإنسان إن هو
يرجع تاني زي الأول وأساء. وهذه القضية هي قضية إنك أنت عندما تلتزم تلتزم
التزام جاد قوي.



بمعنى: إنك أنت إذا التزمت خذ الكتاب بقوة ﴿٦﴾ ﴿يُحْيِي خُذْ

الْكِتَابَ بِقُوَّةٍ وَّءَاتَيْنَاهُ الْحُكْمَ صَبِيًّا﴾ قال تعالى: ﴿وَكَتَبْنَا لَهُ فِي الْأَلْوَا حِ

مِنْ كُلِّ شَيْءٍ مَّوْعِظَةً وَتَفْصِيلًا لِّكُلِّ شَيْءٍ فَخُذْهَا بِقُوَّةٍ وَأْمُرْ قَوْمَكَ

بِأَخْذِهَا بِأَحْسَنِهَا سَأُوْرِيكُمْ دَارَ الْفَاسِقِينَ﴾ أهو ديه القضية الي إحنا

عايزين نتكلم فيها. إذا كنت أنا هلترم يبقى التزم بجد. إذا كنت أنا هستقيم على دين ربنا

سبحانه وتعالى يبقى أسلك الطريق بجدية وهمة وعزيمة. فلذلك الأصل الذي بين

أيدينا اليوم هو "علو همتك"

علو همتك في الطريق إلي الله يعني إنك أنت تطلب في سيرك إلي الله الأمور

العالية. مترضاش إنك أنت تكون حاجة عادية مترضاش إنك أنت مجرد تبدأ أول

الطريق، أول سلمتين وبعد كده تقف X .

يعني مجرد إنك أنت بدأت تصلح شوية حاجات في نفسك وخلص. بقيت

كويس، بقيت بصلي، ماشي كويس، بقيت خلاص بطلت شتيمة، بطلت السجاير، مش

عارف بطلت كذا، بقيت بقوم بالليل، بحفظ شوية قرآن بس خلاص حلو أوي كده.

ويفضل صاحبنا حاسس إن هو كده جاب آخر الهداية؛ لأن هو بيقارن نفسه بأصحابه

القدام، بيقارن نفسه بالناس في الشارع، بيقارن نفسه باللي يشوفه في التلفزيون. فهو

شايف إن كده كويس جداً، بلاش تشدد بقى. هو شايف إن هو يدوبك المرحلة ديه



مرحلة ملتزم عظيم جداً. ويفضل صاحبنا في المرحلة ديه طويل أوي دا أحسنهم حالاً. يفضل في المرحلة ديه سنين طويلة. فمممكن تجد واحد بقاله عشر سنين وعشرين سنة ملتزم هو لسه في الحتة ديه يعني: هو بيصلي في الجماعة كويس، ممكن أحياناً يقع منه حاجة، يعني كل فين وفين بيحافظ على إيه؟ على مجلس القرآن، بيحضر درس علمي هنا درس علمي هنا، لكن تحس إن هو مبيتقدمش، مبيطلعش لقدام، وده بيبقى المشكلة إنك أنت بتخاف عليه بقى. بتخاف عليه؛ لأن حاسس إن هو هش، يعني هو كويس هو في شكله قدامك كويس، لكن لو جت الفتن جامد أكثر واحد بيتهمز صاحبنا ده؛ لأن هو مثبتش أقدامه في الإلتزام.

فأنا لما بقولك إنك أنت يكون عندك همة عالية في الإلتزام أنا مش بطلب منك حاجة بزيادة لأ ده أنا بقولك تحافظ على نفسك ليه؟ لأن الفتن لما بتيجي أنت متعرفش حجم الفتنة أد ايه، قربنا وصف ناس إن همّا بيعبدوا ربنا، ووصفهم بالعبادة، همّا مسلمين، لكن قال إن همّا بيعبدوا ربنا على حرف ﴿وَمِنَ النَّاسِ مَن يَعْبُدُ اللَّهَ عَلَىٰ حَرْفٍ فَإِنْ أَصَابَهُ خَيْرٌ اطْمَأَنَّ بِهِ وَإِنْ أَصَابَتْهُ فِتْنَةٌ انْقَلَبَ عَلَىٰ وَجْهِهِ خَسِرَ الدُّنْيَا وَالْآخِرَةَ ذَلِكَ هُوَ الْخُسْرَانُ الْمُبِينُ﴾ يعني هو كويس، ملتزم، بس يعني على القد بالظبط، أكثر من كده مش هزود، يعبد الله على حرف.

- فإن أصابه خير: يبقى كويس، هيثبت أكثر.
- إن أصابته فتنة: انقلب على وجهه خسر الدنيا والآخرة ذلك هو الخسران المبين.



لذلك أمّا بقولك أنت محتاج شيء أساسي عشان توصل لربنا إنك أنت تكون: جاد، قوي، تطلب معالي الأمور ، ميقاش في نهاية لطلباتك في الإلتزام، مفيش سقف لطموحاتك، كل يوم عايز تاني، كل يوم عايز جديد، كل يوم بتطلب أعلى من المرة الي قبلها، وتفضل كده. ديه الحاجة الي أنا اضمنلك بيها إنك أنت عمرك ما هتجيب ورا؛ لأن ربنا قال ﴿لَمِنْ شَاءَ مِنْكُمْ أَنْ يَتَقَدَّمَ أَوْ يَتَأَخَّرَ﴾ فطالما أنت بتتقدم يعني أنت أكيد مش بتأخر يبقى أنت كده تمام ✓

لكن لو أنت قعدت تقولي: (أنا هحافظ على الي أنا فيه ده) هقولك: صعب، هو ربنا قال الإنسان يا بيتقدم يا يتأخر، موضوع إنك أنت واقف مكانك ديه صعب، صعب واحد بقي واقف مكانه، أنت يا بتزيد، يا بتنقص، كل يوم كده. فلو مش بتزيد يبقى أكيد أكيد بتنقص. وممكن أنت متكنش حاسس. ممكن تلاقي الي بقاله مدة في الإلتزام بيحس بحاجة زي كده: تلاقي نفسك زمان كنت في حاجات حريصة عليها أوي دلوقتي مبقتش حريص عليها، في زمان حاجات كنت بتستنكرها أوي لما تشوفها دلوقتي مبقتش تستنكرها في حاجات بتنقص بس أنت مش واخد بالك أنت مبتحسش، أنت بتحس بس لما تحصل إنتكاسة كلية، لكن المراحل الي هي الي حصلت في البداية، مراحل الانحدار ممكن مخذتش بالك منها.



طب إيه الي يطمني إن أنا مش بنحدر إن أنا بحس إن أنا كل يوم بزيد.
طيب كل يوم هزيد، ولغاية امتي؟ هي ديه الي بتكلم عليها مفيش نهاية،
مفيش سقف في التعامل مع الله سبحانه وتعالى. تفضل كده ﴿وَاعْبُدْ رَبَّكَ
حَتَّىٰ يَأْتِيَكَ الْيَقِينُ﴾ الملائكة تسجد لله سبحانه وتعالى إلى أن تقوم الساعة.

فيرفعون رؤوسهم يقولون: "ما عبدناك إيه؟ حق عبادتك".

طب أنت كنت عايز إيه أكثر من كده؟ في أكثر من كده بس إحنا مقدرناش نوصله،
العمر مأسعفناش. واخد بالك؟ فلذلك كان السلف يعني مش عارفين يعملوا إيه!
كان في واحد منهم مش عايز ينام، والي بينام قليل جداً، والي بيسابق الأعمار علشان
يوصل لما يريد، لذلك وصفوا الهمة العالية ديه بيقول:

هو استصغار ما دون النهاية من معالي الأمور

يعني إيه استصغار ما دون النهاية من معالي الأمور؟ يعني أنت شايف أي حاجة
غير النهاية هي صغيرة طالما موصلتش لآخر حاجة يبقى أنا موصلتش لحاجة. لكن دايمًا
الهمة الدانية بتوصل لأيه؟ إنك أنت بتكبر أوي الي أنت عملته. لما تلاقي نفسك الي
عملته ده حاجة عظيمة بيتدي الانحدار بيتدي الثبات أو بيتدي التوقف؛ ما أنت
حاسس إن أنت عملت حاجة كويسة. لكن لما بتبتدي تحس إن أنت معملتش حاجة،
كل ما تعمل حاجة تحسك معملتش حاجة، تبتدي تطلب الي بعد كده؛ عشان ترضي،
بعد كده مترضاش، وبعد كده تطلب الأعلى. وتفضل كده إلى النهاية تستصغر كل شيء

بتعمله. إلى أن تصل إلى النهاية. أين النهاية؟ لا يوجد نهاية. لذلك قالوا عن
الهمة العالية هي

خروج النفس إلى كمالها الممكن في العلم والعمل

يعني إنك أنت لا ترضي إلا بالكمال الممكن؛ علشان كده هو يقول
الممكن؛ لأن مفيش حد بيوصل للكمال. لكن الكمال بالنسبة لك أنت، بالنسبة
لقدراتك، بالنسبة لإمكانياتك، بالنسبة لوقتك، إنك أنت تصل إلى أقصى درجات
الكمال في الإمكانيات المتاحة ليك، لو عملت كده هو ده اسمه صاحب همة عالية. طالما
في إمكانيات لسه عندك من وقت، وذهن، وقوة وحفظ، وطاقة، ولسه ماستعملتهاش
يبقى لازم تحتقر كل الي أنت بتعمله، حتى لو أنت

● بتعمل كل الواجبات

● بترك المحرمات

● بتعمل مستحبات

لكن لسه في، لسه في أكثر، والناس بتنافسك، والصحابة سبقوك .



أبو مسلم الخولاني كان من التابعين وكان يقوم من الليل، وكان عنده سوط كدا، عنده كرباج، شايه في البيت. فكان إذا قام من الليل وتعب أو ملّ، كان يمسك السوط ويضرب رجله فيقول :

قومي قومي قومي، أظن أصحاب محمد صلى الله عليه وسلم أن يستأثروا به دوننا! والله لنزاحمهم على الحوض ۞

يعني يقول همّا فاكرين الصحابة إن همّا هيبقوا مع النبي لو حدهم يوم القيامة، دا هيلاقوا ناس غريبة قاعدين معاهم. انتو مين؟ جيتو ازاي؟ لحقتونا ازاي؟! آه لأ اشتغلنا. إزاي وهمتكم وصلت إن أنتم بقتوا معانا!. ملكش دعوة بقى، إحنا بقى اشتغلنا بقى.

فشوف الراجل بيتكلم فى إيه! مش بيتكلم بينافس التابعين، لأ. بيتكلم إن أنا أنافس الصحابي إزاي؟. طبعاً ديه بالنسبة لك قمة يعني محدش فينا يفكر فيها، لكن سدد وقارب، سدد وقارب، ما يدريك؟ فى كل زمان كما قال النبي (صلى الله عليه وسلم) سابقون. قال تعالى: ﴿وَالسَّابِقُونَ السَّابِقُونَ أُولَئِكَ الْمُقَرَّبُونَ فِي جَنَّاتِ النَّعِيمِ ثُلَّةٌ مِّنَ الْأَوَّلِينَ وَقَلِيلٌ مِّنَ الْآخِرِينَ﴾ إذا فى فى الآخرين سابقين. هيكونوا مع الصحابة ويمكن فى منزلة الصحابة الكرام رضى الله عنهم، فى منافسة يعني يقترب منه اقتراب شديد. ليه متكنش واحد منهم؟ ليه دايماً إنك أنت بتبص للآية ديه على إنها



قليل من الآخرين مفيش في بالك أبداً إنك أنت عندك إحتمال إنك أنت تكون واحد من هؤلاء تمام.

يعني إيه الإنسان يبقى بيحترق كده من جوا، إنك أنت صاحب همة يعني أي حد بتشوفه يسبقك متستريحش تفضل بتاكل من جوا. ما في يا إخوانا معايير الإلتزام. وإحنا المشكلة إحنا بنعالج دلوقتي الإلتزام الهش ، أو الصوري، أو المشوه المعالم.

الإلتزام الجاد هو اللي بيغير الفكر، بيغير التصورات

بمعنى: أنا قبل ما التزم كنت بشوف اللي معاه موبايل أحسن مني، بغير منه. كنت بشوف اللي معاه عربية أحسن مني، أغير منه. كنت أشوف اللي اتجوز أحسده أو نفسي ابقى زيه. أشوف اللي شقته أوسع كده، أشوف مثلاً اللي أخذ منصب أعلى مني، اللي خد هدية وأنا مخدتش ، أخذ مكافأة، أفضل أنا ابقى بتزاوّل زي ما نقول كده بدول. لكن المفترض بعد الإلتزام لو أنا علي نفس الوضع يبقى في حاجة غلط. لسه برضو بغير من اللي معاه موبايل أحسن مني، وبغير من اللي معاه شقة أكبر مني، وبغير من اللي معاه عربية أحسن مني، وبغير من اللي معاه منصب أكبر مني، بس هو ده اللي بيشغلني. زمان قبل الإلتزام كنت بشوف ناس بيحفظوا القرآن مكنتش بتأثر عادي، وكنت بشوف ناس بيطلبوا العلم مكنتش بتأثر عادي، وكنت بشوف ناس بيتفوقوا في الدين، وبيقوم الليل متأثرش، وأشوف زميلي بيصوم اتنين وخميس، وبيصوم الثلاثة البيض، بقوله: ربنا



يباركلك ادعيلنا يا عم الشيخ. بعد الإلتزام برضو نفس الوضع لسه بشوف
الي بيحفظ قرآن عادي، ولسه بشوف الي بيقوم الليل عادي برضو، ولسه
زميلي بيصوم الإثنين والخميس هو هو بقوله: هبقى أدعيلك بقى أنا المرادي يا
عم الشيخ، أصل أنا بقيت شيخ كبير أوي زيكم. بس أنا مبقتش بصوم اتنين
وخميس، ولا بفكر أنا نفسه، ولا الموضوع شاغلني أصلاً. وهو قاعد يتقدم في العلم وفي
العمل، وده بيتقدم في الدعوة إلى الله، وده بيتقدم في قراءة الكتب، وأنا مش بغير لسه
ببص للي معاه موبايل، والي معاه شقة، والي معاه عريية، والي معاه مكافئة، والي معاه
منصب. أي التزام هذا؟ هذا التزام لا نعرفه، لا نعرفه.

لكن صفة الملتزم الي بجد بقى الي عايز يبقى عنده أساسيات إنه
بيبتدي بعد ما يلتزم يشعر إن معايير الغيرة ديه اتغيرت خالص.

بقى لا ييالي بالموبايلات، لا ييالي مين تفوق عليه في الدنيا، لا ييالي مين تجاوزه في
المناصب لا ييالي. هو بيعمل الي عليه والي ربنا بيقدره وانتهى الموضوع بالنسبale. لكن
إذا رأى أحد تفوق عليه في الدين يحترق، يتغاض، يغير، ولا يهدأ حتى ينافسه، ويتجاوزه.
يسمع عن واحد بيصوم يصوم زيه، يسمع عن واحد بيقوم يقوم أحسن منه، يسمع عن
واحد ختم ميستريحش إلا لما يختم، يسمع عن واحد قرأ الكتاب ده يقرأه يقرأ الي بعديه.
لذلك قال السلف

من نافسك في الدنيا فآلقها في نحره، ومن نافسك في الآخرة فنافسه



وقال بعضهم:

لو أن رجلاً سمع برجل هو أطوع لله منه فمات كمدًا، لم يكن ذلك بكثير

يعني لو واحد سامع إن بعد ما عمل اللي عليه مع ربنا، سمع إن في واحد أحسن منه فمن كتر ما تعب مات، بيقول: ده عادي، المفروض يحصله كده، المفروض العادي يموت ده العادي إن هو يموت لما يسمع عن حد جاوزه أو تفوق عليه أو وصل إلى الله.

وقال أوهيب بن الورد:

إن استطعت ألا يسبقك أحدٌ إلى الله فافعل ﴿١٠﴾

فاكرين في درس العقيدة اللي فات اتكلمنا عن: (رحلة الإسراء) ورأينا موسى عليه السلام. موسى عليه السلام بكى، متى بكى موسى؟ لما تجاوزه النبي عليه الصلاة والسلام بكى موسى عليه السلام. رغم أن موسى يعني إيه مش بقول بقى صحابي ولا.. لا ابو بكر، ولا عمر، ولا، ولا، ولا، هذا الرجل الثالث في التاريخ. في التاريخ كله لو عدينا الناس واحد اتنين ثلاثة موسى عليه السلام رقم ثلاثة في التاريخ كله. أفضل ثالث رجل عند الله، كلم الله، لكن لما شاف النبي (عليه الصلاة والسلام) عداه أخذ يبكي (عليه السلام)؛ لأنه يعني المشهد نفسه تعب، مقدرش. مقدرش يشوف مشهد



زي ده إن في واحد قرب لربنا أكثر منه، هو عارف كده أصلاً وقرأه في كتبه، وهو عارف محمد (عليه الصلاة والسلام) مذكور عنده في التوراة، لكن لما يشوف غير لما يسمع.

فلما شافه عداه لم يحتمل موسى عليه السلام. قال: "ما ظننت أن ترفع أحد بعدي فوقى" أو نحو ذلك مما قال عليه السلام. هو دا الي أنا أقصده، لكن أنت لما تشوف حد يتجاوزك في المكانة عند الله، في القرب من الله لا تحتمل أنت، متستحملش متعرفش تستريح، تفضل تنافس فلما تعديه تلاقي الي بعده تروح منافسه، تعديه تلاقي الي بعده، خلصت أهل زمانك ﷺ هتخش على الكتب والسلف وتقرأ في أحوالهم تلاقي ناس معدياك بكثير تفضل كده طول حياتك، لو فضلت كده طول حياتك أضمنلك إنك أنت ستموت على الخير بإذن الله سبحانه وتعالى إن صلح القلب.

علو الهمة عند السلف

الخلاصة إن كلام السلف في الموضوع ده يتعب جداً، يتعب جداً.
قال أحدهم:

ما بلغني عن أحد من الناس أنه تعبد بعبادة إلا تعبدت نظيرها
وزدت عليه

قال احمد بن حرب:

عجباً عجباً لمن يعرف أن الجنة تُزَيَّن فوقه، وأن النار تُسَعَّر تحته كيف
ينام بينهما؟ كيف ينام بينهما؟

إزاي يهنأ له النوم وهو عارف الجنة وعارف النار .



في بعض يقولك يا شيخ أصل أنت بتتكلم فيه يعني الناس القديمة
ديه أحوال السلف إحنا مالنا. زماننا غير زمانهم ودلوقتي أنت شايف الدنيا عاملة
إزاي؟ لأ، تعال بقى اسمع كلام أبي جعفر لما زار أبي التياح. يقول:

زرنا أبي التياح في مرضه، فقالنا نصيحة - يقول قالنا نصيحة يعني عظيمة
جداً- "قال والله إنه لينبغي للرجل المسلم أن يزيد ما يرى في الناس من
التهاون بأمر الله أن يزيد ذلك جداً واجتهاداً ثم بكى رحمه الله تعالى

يعني يقول المفترض العكس، عكس ما أنت هتتخيل، لما الناس تبقى بايظة،
وضايعة، متديش لنفسك مبرر إنك أنت تضع زيمهم. بالعكس لما تلاقي الناس كده
المفترض إن أنت بتزيد؛ لأن أنت بتشعر بمسؤولية أكبر، تشعر إن الكارثة أكبر، تشعر إن
البلاء أكثر من الأول فتشعر إن عندك همة، عارف عامل زي إيه؟ زي واحد بيدافع عن
ناس والناس كلها جريت فاضل هو. وهو العدو خلاص، هيقتحم، وهيقتل النساء،
وهيقتل الأطفال لو كان هيقاتل قيراط هيقاتل ألف قيراط، حتى لو لوحده هي دفاع
كذلك الإنسان الملتزم في زمان الغرب، مبيخلش الغرب ديه عذر ليه إن هو يبقى عادي
أو يبقى زي الناس، لأ بالعكس ده الغرب ديه بتخليه بياكل في نفسه، عايز يبقى جامد
جداً عشان ينقذ الي يقدر عليه، ينقذ المجتمع، وكمان هو بيتعبد لله في الغفلة، وهو عارف



إن العبادة في الغفلة ديه قيمتها إيه عند ربنا؟ عبادة في الهرج كما قال النبي عليه الصلاة والسلام كهجرة إليّ. النبي (عليه الصلاة والسلام)

قال رسول الله صلى الله عليه وسلم: « العِبَادَةُ فِي الْهَرَجِ كَهَجْرَةِ إِلَيَّ

». رواه مسلم قال رسول الله صلى الله عليه وسلم: «ذلك شهرٌ يغفلُ الناس

عنه بين رَجَبٍ ورمضان، وهو شهرٌ تُرْفَعُ فيه الأَعْمَالُ إلى ربِّ العالمين، فأحبُّ أن

يُرْفَعَ عَمَلِي وَأَنَا صَائِمٌ» (مسند أحمد وسُنَنُ النسائي، وحسنه الألباني). النبي (عليه الصلاة

والسلام) كان يوصي بشعبان يقول: «ذلك شهر يغفل عنه كثير من الناس» مش كدا

وإلا إيه؟ تمام. دايمًا العبادة في غفلات الناس، وفي حيرة الناس أفضل عند الله سبحانه

وتعالى من العبادة لما يكون كل الناس شغالين مش كده؟ لذلك أجر الرجل في زمان

الفتن ده كأجر خمسين من الصحابة وجاء في بعض الآثار قال: «إنكم تجدون على الخير

أعواناً ولا يجدون». هو ليه يعني هم خمسين؟ لأن أنت بتلاقي يوم مابتعوز تطيع ربنا

بتلاقي كل الناس بتساعدك في زمن الصحابة أو التابعين. لكن هؤلاء في زمانهم مش

هياقي أي حد يساعده. هيشغل لوحده. فالحاجة ديه بتخليك تزيد همة بقي. تقول ده

أنا لازم أبين لربنا إن أنا مميز وإن رغم كل شيء أنا همتي عالية في طلب معالي الأمور،

فده كلام أبي التياح بيقول: ينبغي إن لما يشوف تهاون الناس يزداد جداً واجتهاداً مش

يريح ✕ واضح.



حماد ابن سلمة قالوا عنه:

لو قيل لحماة ابن سلمة إن يوم القيامة غداً ما وجد شيئاً يزيده في

أنت فهمت حاجة؟ أنت متخيل الكلام ده! يعني نضرب مثال: لو أنت قالولك القيامة غداً هتعمل إيه؟ هتعمل كل حاجة هتخش الإسلام، ونبتي نصلي بقي ونبتي نصوم زي الناس، ونبتي نعبد ربنا بقي بجدة، ونبتي بقي نبطل كل الذنوب الي بنعملها، والكبائر والصغائر، هتعمل كل حاجة في الدين أصلاً من الأول. يعني أنت تحس النهاردة أنا مبعملش حاجة. هتيجي تحاسب نفسك هو أنا بعمل إيه؟ ده عندي وقت كثير جداً. ده أنا مقصر جداً مع ربنا. طب هات المصلية. النهاردة بقي هنقوم الليل بجدة أنا كل مرة بصلي ثلاث ركعات وتر كده وأنام وخلاص لأ النهاردة هصلي ساعتين ثلاثة ، لأ ده أنا هصوم بكرة، دا أنا هأصبح صائم، ده أنا هبطل بقي غيبة ونميمة، وأتوب إلى الله، هعتذر لفلان وفلان وفلان، هأدى الحقوق، هرجع المظالم. هتلاقي نفسك في 100 حاجة عايز تعملها. حماد ابن سلمة لو قالوله يوم القيامة بكرة يقولهم: "أصلاً ده أنا كنت فاكهه النهاردة" عارف أنت الجوده، هو شغال أصلاً بمود إن يوم القيامة امبارح، ده أنا اتفاجئت إن أنا عايش النهاردة أصلاً، ده أنا كنت فاكهه امبارح، هو عايش كل يوم على إن مود يوم القيامة النهاردة.



فالناس شغالة على الجو دا أصلاً لو قالوله إن القيامة بكرة ، هيقول
معنديش حاجة أعملها تاني أروح فين؟ كل لحظة في حياتي بعمل فيها حاجة،
كل لحظة في وقتي بعمل فيها حاجة، مفيش حاجة مقصر فيها تقريباً، مش
عارف يعمل إيه زيادة. لذلك كانوا بيوصفوا حماد ابن سلمة .

قالوا:

كان حماد ابن سلمة مشغولاً بنفسه : إما أن يحدث، إما أن يقرأ، إما أن
يسبح، إما أن يصلي، وكان قد قسم وقته على هذه الأعمال.

وكيع رحمه الله قالوا: قال يحكي عن الأعمش: -وكيع بيحكي عن الأعمش طبعاً اتنين
جبال- فيقول:

أدركت الأعمش سبعين سنة فلم تفته تكبيرة الإحرام

سبعين سنة ، وإحنا بنحاول في أربعين يوم، واخد بالك أنت! أربعين يوم وقاعدين
إحنا نحارب في أربعين يوم، والأعمش أدرك تكبيرة الإحرام سبعين سنة، مش سبعين
يوم سبعين سنة مفوتش تكبيرة الإحرام.

قال:

واختلفت عليه ستين سنة فما رأيته أدرك ركعة

إذا أصبحت فلا تنتظر المساء - هذه الوصية الرائعة - وإذا
أمسيت فلا تنتظر الصباح

يعني مجبش ركعة، مقضاش ركعة أبدأ في حياته أبدأ، واخذ بالك. حاجة يعني
من العجائب يعني.

كان المحدث بشر بن الحسن يسمي الصفي يعني هم سموه "الصفي" له؟ له سموه
الصفي؟ قالوا:

لزم الصف الأول في مسجد البصرة خمسين سنة

فاتسمى باسم الصف الأول ما دا شهرته. محدث يدعي "بشر بن حسن الصفي"
الصفي ديه مش عيلته، ده هو سموه كده نسبة إلى الصف الأول إن هو كان كثير الإدراك
للف الصف الأول. شيء عجيب جداً.

ابن عماد الحنبلي يقول:

ما تكلمت بكلمة ولا فعلت فعلاً إلا أعددت له جواباً بين يدي الله
سبحانه وتعالى

هو ده اللي بكلمك فيه إن الناس فهمت إن السير إلى الله عايز إنك أنت تبقى جامد بقى
عشان توصل، علشان تعدي، علشان تعمل فعلاً، تحقق حاجة بينك وبين ربنا. لازم
مترضاش بأي منزلة، وتظل تنافس، وتنافس، وتسارع، وتقرأ، وتتعلم، وتتعبد، ولا
يكون هناك نهاية لهمتكم. لكن أول ما توصل إنك أنت رضيت عن نفسك، أو أنت حلو

كده، وعلى وضعنا وتمام  فاعرف إنك أنت هتبتدي إيه؟ هتبتدي سلسلة الإنهيار X .



فلو أنت بتحفظ قرآن ليه أنت راضي بالوضع الي أنت فيه؟ ليه مبتختمش بقالك سنين؟ وليه إنك أنت شايف الناس بيختموا عادي معندكش مشكلة مع الموضوع ده، يعني مش زعلان، أنت بتدور بقالك سنين، بتدور في فلك البقرة آل عمران أو إنك أنت حافظ آخر أربعة أجزاء بقالك سنين طويلة بتحارب في المراجعة وخلاص،

• لكن ما عندك همة حتى مجاش في بالك هو أنا مبتختمش ليه؟

• بقالي سنين ديه بعمل إيه؟

• أنا معطل نفسي ليه؟

• الناس بتختم أنا واقف ليه؟

إذا كان النبي عليه الصلاة والسلام قال: « **يَقَالُ لَصَاحِبِ الْقُرْآنِ اقْرَأْ وَارْقُ وَرَتِّلْ كَمَا كُنْتَ تَرْتِّلُ فِي الدُّنْيَا فَإِنَّ مَنْزِلَتَكَ عِنْدَ آخِرِ آيَةٍ تَقْرُؤُهَا** ».

طب كيف يهدأ لي بال، وهناك آية أنا لسه مش حافظها، المنزلة بآية وأنا حافظ كام؟ ألف آية. طب ما في لسه خمستلاف وشوية، مش حافظهم، يعني يفوتني من اللجنة أكثر من خمستلاف منزلة، إزاي الإنسان يهدأ حتى يحفظ القرآن؟ واضح؟ ولما أنت تسمع عن شخص بيصلي الفرائض، وأنت مقصر في الفرائض تدركه، بعد كده تلاقي واحد بيصلي



النوافل تدركه، وبعد كده الواحد يقوم الليل تدركه ، وبعد كده تكتشف إن واحد يقوم الليل أكثر منك تدركه، بعد كده تكتشف لأ ده في واحد يقوم بخشوع وبكاء تحارب علشان تبقى زيه. بتكتشف إن أنت الموضوع مش كميات ده الموضوع كفيات، وتفضل أنت كده في دائرة من المنافسة.

الأخت الي لابسة حجاب كويس طب ليه ميقاش أحسن، تشوف واحدة لابسة أوسع تبقى عايزة تنافسها، ما ألبس زيها، تشوف واحدة لابسة لبس أقل إلفاتاً وحجاب غير ملفت أبداً، واسع، وغير ملفت، تقول طب ما أنا أسيب الملفت دا وألبس الغير ملفت. تلاقي واحدة لابسة خمار واسع، طب ما ليه ما ألبس زيها، واحدة لابسة نقاب طب ليه ملبس زيها؟ النقاب بقى واجب ولا مستحب ديه قضية أخرى، لكن أنا مرضاش أبداً إن حد يسبقني إلى الله سبحانه وتعالى. ليه أنا مش بنافس على الدرجات العالية ديه واضح؟ كذلك الإنسان يفضل كده في حياته كلها

❌ **لكن أول ما يتدي يقارن نفسه بمن دونه في الدين يتدي سلسلة الإيه؟**

سلسلة الإنهيار. المهمة العالية يعني هي دية القضية وهو ده الشأن

أبو محجن الثقفي يضرب لنا مثال على إن المهمة العالية ديه مش للناس الي يعني معينة ممكن واحد يكون بعيد عن ربنا ثم في يوم من الأيام ربنا يرزقه بالمهمة العالية ديه. يعني ممكن أنا بكلمك دلوقتي ممكن أنت مستبعد إنك أنت تكون صاحب هذه المهمة العالية. ليه؟ متعرفش، ما هي ديه من المشاكل الي إحنا عمرنا ما بتتقدم.



- إن أنت أصلاً عندك سوء ظن بالله سبحانه وتعالى.
- إن أنت لا يمكن تكون هذه المنازل.
- ولا في بالك أنت بتسمع الدرس ممكن تمصص الشفاه لكن مفيش في بالك
- إن أنا ليه مبقاش كده، ليه أنا واقف في مكاني؟

أبو محجن الثقفي كان يشرب الخمر يا إخوانا، كان شارب خمر، كان شارب خمر وكان محكوم عليه في شرب الخمر، وكان محبوس في بيت سعد بن أبي وقاص، ومقيد بالسلاسل، وينتظر الحكم عليه في قضية شرب الخمر، مقيد بالسلاسل. ثم جاءت معركة من معارك سعد مع الفرس خرج سعد وخرج بالجيش وأخذ الناس وراحوا المعركة. وأبو محجن الثقفي بقي تألم جداً؛ لأن أبو محجن كان فارس، كان قوي، وكان الأمر ده حز في نفسه أوي، إن أنا بسبب الخمرة مش عارف أروح أجاهد، قبل كده مكنش بيتمسك كان بيروح يجاهد خلاص حتى وهو يشرب كان بيروح يجاهد وخلاص. لكن وجد إن الخمرة أعاقته عن الجهاد وهو مش متعود على كده. فأقسم بالله تعالى إن جاهد ألا يعود إلى شرب الخمر أبداً. وبعد كده كلم زوجة سعد بن أبي وقاص، وطلب منها هذا الطلب، قالها: (تسبيني أروح الجهاد، وأوعدك إن أنا هرجع تاني، هرجعك تاني وسأقيد مره تانية) والعجيب إن هي صدقته! وفعلاً فكت قيد أبو



محجن الثقفي، وأديته فرس سعد بن أبي وقاص، وانطلق أبو محجن الثقفي، وانضم إلي الجيش بدون أن يشعر به أحد، ولا يريد أن يعرفه أحد، ولا يريد أن ينسب إليه شيء، ولا يريد أن يظهر، هو خبي نفسه، غطى وشه، علشان محدش يعرفه. الناس لو عرفوا إن هو موجود هتبقى مشكلة؛ لأن هما عارفين

إن هو محبوس في بيت سعد بن أبي وقاص، مش كدا. فطلع أبو محجن، وانطلق وبدأ يطحن في الفرس، يطحنهم طحن، كأنه بيطلع غله فيهم، بيطلع ألامه فيهم، بيطلع جرحه فيهم، إزاي أنا كان ممكن ما اشتركش في الموضوع ده. حتى أن سعد بن أبي وقاص رآه،

فيقول: (أقسم بالله لولا أني أعلم أن أبا محجن في بيتي لقلت هذا أبو محجن الثقفي) الي أنا شايفه ده. (ولولا أني أعلم أني تركت فرسي في بيتي لقلت أن هذا فرسي) بيقول لأ مش كده يعني، ده أبو محجن أنا عارفه ديه مشيته بضربته بقوته وفرسي أنا عارفه ما يتلبس عليا بس بيقول: والله لولا إن أنا متأكد إن أنا سايب الإثنين دول في البيت كنت قلت ده أبو محجن، وقلت ده الفرس بتاعي. أبو محجن قطع الفرس، دمرهم وبعد كده خد بعضه من هدوء محدش حاسس بيه، محدش يعرف إنه اشتراك في المعركة، رجع تاني إلي البيت وسلم نفسه للمرأة، وقيدته بالسلاسل. رجع سعد بن أبي وقاص، يحكي لها الأمر، استغرب. فحككت له ما وقع من أبو محجن الثقفي، فدخل سعد على أبو محجن، وفك قيده، وقال: (والله لا أعاقبك بعد اليوم أبداً)

وقال ابو محجن (وأنا أقسم لك بالله ألا أعود إلى الخمر أبداً) وما عاد أبو

محجن إلى الخمر بعدها أبداً. شوف لحظة ممكن لحظة تأثر فيك.

⇐ لحظة كده تحس أنا فين؟

⇐ أنا ملتزم بقالي أد إيه؟

⇐ أنا عملت إيه للدين؟

⇐ أنا هفضل لغاية امتي كده؟.

⇐ هفضل لغاية امتي راضي كده بالدون؟.

⇐ راضي كده بإن أنا مجرد أعرف إخوة وكويسين وأصلي مع ناس كويسين بس.

⇐ أنا نفسي مش كويس أنا عارف، أنا نفسي معملتش حاجة ،

⇐ أنا نفسي بقالي سنين مقدمتش شيء

ممكن لحظة زي ديه تغير حياتك كلها تخليك من لا شيء إلى كل شيء فمتستبعدش

إنك أنت الهمة ديه تتولد فيك في لحظة تجيلك إنك أنت الهمة ديه متستبعدش إن هي

يعني ربنا يرزقك بها بعد مدة من الهمة الدنيئة، المتواضعة ، متستغربش مش بعيد على

ربنا أي شيء أبو محجن يعني حطم الأرقام القياسية في الهمة. فالهمة العالية يا إخواني

يتفاوت بها الناس، حتى الحيوانات بتتفاوت في الهمم، تتفاوت في الهمم،

لـ لما كان الأسد يأكل الفريسة وهي حية كان أسداً ،

لـ ولما كان الضبع يأكل الفريسة وهي جيفة وميتة سمي ضبعاً مش كده.

لـ الصقر لا يصطاد إلا الأحياء،

لـ الغراب يقع على الجيف، لذلك الصقر صقر، والغراب غراب .



ويُحكى في بعض القصص: ((أن الكلب ذهب إلى الأسد في الغابة،

فشكى له أن الناس يعني يقولون له يا كلب، قاله يعني أنا عايز أغير اللقب بتاعي،
موضوع الكلب ده مش ماشي معايا، حاسس إن أنا وضعي يعني مش واخد وضعي في
الغابة وكده، فأنا عايزك تديني لقب حلو كده، أسود بتاع يعني أي حاجة حلوة كده،
برستيغ يعني، عشان موضوع الكلب دا تاغلي أعصابي شوية. فالأسد عايز يقوله يعني
موضوع الكلب ده أنت السبب فيه الحقيقة يعني بس إحنا برضو هنعمل معاك واجب،
بس هنعملك اختبار صغير، لو عديته هديك اللقب اللي أنت عايزه، اللي أنت عايز
تختارها، هسميك أسد يا عم. قاله ماشي قاله ايه الإختبار؟ قاله خد حنة اللحمه ديه
وبات احرسها، وتاني يوم هتهالي، تاني يوم تجيبها لي. لو جبتها لي تاني يوم يا عم هديك
اللقب اللي أنت عايزه، فبات الكلب جنب اللحمه يا عيني بيتقطع، وقعد ساعة ماسك
نفسه، ساعتين ماسك نفسه، تلت ساعات ماسك نفسه. جه بعد شوية قال وما الإشكال
في كلب؟ إن الكلب اسمٌ حسن وبعد كده أكل اللحمه. إيه المشكله؟ أنا زعلان في إيه؟
ماله كلب يعني وأكل اللحمه وراضي بإسم الكلب وعرف يعني هو ليه مش واخد
وضعه في الغابة يعني)). يعني هي القصة بتحكي كده بتبين إن الناس منازل، وإن أنت



مش ممكن تأخذ لقب الاسد لغاية ما تبقى عندك هذه مؤهلات. تمام؟ هو مرضاش، هو راضي بالدونية مش قادر يستحمل. زي كده بالظبط .

- أنت مش قادر تقوم الليل.
- مش قادر تسيب الفراش
- عايز تنام، النوم حلو،
- لازم يعني نصلي؟ يا عم نام، المهم نصلي الفجر واخذ بالك.
- لازم نختم يعني القرآن؟ ما حلو أوي البقرة وآل عمران الزهراوين،
- زي الفل مية مية كده حلو أوي كفاية عليا كده. دايماً أنت راضي بقليل، مش عايز تعلي
- أبدأ فعمرك ما هتوصل للمنازل العالية ﴿ طالما أنت بتؤثر الحياة الدنيا، تاكل
- كثير، تنام كثير خلاص عمرك ما هتوصل لشئ ، طالما أنت مش بتقدر تقاوم
- شهواتك، وتقدر تحط مكان الشهوات ديه، إن أنت تحط عمل، وبذل، ومجهود
- فلا بد للإنسان في الطريق إلى الله زي ما ابن القيم يقول: "يحتاج إلى قوة علمية
- وقوة عملية". يعني إيه كلام ابن القيم ده؟ كلام مهم يقول: إن الإنسان محتاج قوتين
- في الطريق إلى الله عشان يبقى صاحب همة عالية قوة علمية + قوة عملية. يعني إيه الكلام
- ده؟ يقول



لـ القوة العلمية هي ديه الي بتديله التوجيه،

لـ القوى العملية هي الي بتديله السره

فيتوجه صح بالعلم وبعد كده يطير بالعمل.

فيقول من الناس من يكون عنده القوى العلمية وليس عنده قوة

عملية. يقول وهذا غالب أحوال الناس في الطريق إلى الله. ودي الحقيقة فعلاً إن ساهل أوي كل الإخوة تلاقيهم بيطلبوا علم، لكن عند العمل تجدهم كالجهاال يعني هو في العلم همته عالية. إذا جاء وقت العمل لم يختلف عن الناس أي شيء. فيقول هذا يعني لا يصل إلى الله سبحانه وتعالى، هو عارف الطريق، عارف الطريق هنا بس جه بدأ يمشي بالراحة أوي وبيزحف في الطريق بس هو ماشي في طريق صح؛ لأنه عنده علم، بس هو ماشي بطيء جداً؛ لأن هو معندوش همة وإرادة عملية.

يقول من الناس من يكون عنده القوة العملية ولا يكون عنده القوى العلمية.

فده بيمشي بسرعة بس في طريق غلط يقولوا ده موجود بقى في الناس بتوع التصوف، وبتوع التطويح، والقبور، والكلام ده. ممكن فعلاً تلاقي ناس فيهم همته عالية جداً لكن للأسف ضلوا الطريق زي: أهل البدع، زي الشيعة، زي الخوارج، تحقرون صلاتكم إلي صلاتهم، صيامكم إلي صيامهم، يمرقون من الدين كما يمرق السهم من الرمية.



فعنده قوة عملية غير عادية بس مكش عنده قوة علمية فمشى في طريق غلط
بسرعة جداً بسرعة جداً بس في طريق غلط فده في العادة أكيد مش هيوصل
بردو. ما يمكن أن يصل إلا واحد عنده الإيتين قوة علمية وقوة عملية. لذلك
ربنا أثنى على هؤلاء. قال سبحانه وتعالى: ﴿وَإِذْ كُنَّا عِبَادَنَا إِبْرَاهِيمَ وَإِسْحَاقَ
وَيَعْقُوبَ أُولِي الْأَيْدِي وَالْأَبْصَارِ إِنَّا أَخْلَصْنَاهُمْ بِخَالِصَةٍ ذِكْرَى الدَّارِ﴾.

يعني إيه أولي الأيدي والأبصار؟

لـ يعني أصحاب الأيدي: القوة العملية،

لـ والأبصار اللي هي البصيرة يعني: اللي هي القوة العلمية.

العملية اللي هي البصيرة يعني اللي هي القوى العلمية. فلا بد من أيدي وأبصار. قال
سبحانه وتعالى: ﴿وَجَعَلْنَا مِنْهُمْ أُمَّةً يَهْدُونَ بِأَمْرِنَا لَمَّا صَبَرُوا وَكَانُوا بِآيَاتِنَا
يُوقِنُونَ﴾

✓ يبقى ديه لما صبروا ديه قوة عملية

✓ وَكَانُوا بِآيَاتِنَا يُوقِنُونَ ديه قوة علمية

فلازم تتوفر فيك القوتين معندكش القوتين دول، أو عندك واحدة فيهم ضعيفة في العادة
سيرك إلى الله بيكون أعرج أو معوج نوعاً ما. ابن القيم رحمه الله له كلام جميل جداً في
القضية ديه هو عايز يوصف يعني هو يقول الناس منازلهم إيه عند ربنا. يقول يعني



بيوصف الأول قصة يقول: إن الإنسان عبارة عن روح وجسد حسب ميلك إلى خدمة مين يكون في العادة اقترابك منه أو بعدك عنه.

فبيقول ابن القيم: [خلق ابن آدم من الأرض، وروحه من ملكوت السماء وقُرْن بينهما - خلاص بقيت روح مع البدن - فإذا أجاع بدنه، وأسهره،

وأقامه على الخدمة، وجدت روحه خفة وراحة، فتاقت إلى الموضع الذي خلقت منه، واشتاقت إلى عالمها العلوي. طب إذا أشبعه ونعمه ونومه واشتغل بخدمة البدن وراحته، أخلد البدن إلى الموضع الذي خلق منه. فانجذبت الروح معه فصارت في السجن. بيقول فلولا أنها ألقت السجن، لأستغاثت من ألم مفارقتها عن عالمها الذي خلقت منه كما يستغيث المُعَذَّب].

هو هنا يفسر لنا ابن القيم هو ليه في ناس مضيّعين ومش حاسين. تلاقي إنسان يقولك إيه؟ ﴿وَمَنْ أَعْرَضَ عَنْ ذِكْرِي فَإِنَّ لَهُ مَعِيشَةً ضَنْكًا وَنَحْشُرُهُ يَوْمَ الْقِيَامَةِ أَعْمَى﴾
يقولك معيشة ضنكا. أنا مبسوط وزى الفل أهو.

نقول: " أن ألقت السجن " اتعودت عليه لدرجة إنك أنت أصلاً مش حاسس أنت اتحرمت من إيه .

في ناس من كتر ماعاش في السجن فعلاً بالنسبة له الحرية ابتلاء. كان في سجين أمريكي كده قعد في السجن أكثر من أربعين سنة، وبعد كده لما أفرجوا عنه خرج من السجن فصار لا يعرف العيش، ميعرفش الفلوس، ميعرفش المحلات، ميعرفش البيع



والشراء، ميعرفش حاجة بقاله أربعين سنة في السجن، فطلب من إدارة السجن أن تعيده مرة ثانية إلى السجن؛ لأن هو لا يعرف كيف يتعامل بالحرية. كذلك الإنسان الي أدمن المعاصي زمن طويل جداً هو أصلاً ميعرفش يعني إيه الطاعة؟ مجربش، ميعرفش طعمها، فمممكن أنت بتكلمه عن خارج السجن عامل إزاي؟ يقولك أنتوا، أنا السجن بالنسبالي أريح بكثير مش عارف أنتم عايشين إزاي برا، ديه حاجة صعبة جداً، انتوا بتعاملوا إزاي مع الناس؟ دا أنا كنت جوا مستريح. فهكذا المعذب ده بخدمة البدن بس هو من كتر ما قعد يخدم البدن وعُذِّب صار يعني عنده إلف مع العذاب ده.

المهم ابن القيم بيقول: [فكلما خف البدن لطفت الروح وخفت وطلبت عالمها العلوي، كلما ثقل البدن أخلد إلى الشهوات والراحة ثقلت الروح هبطت من عالمها العلوي، وصارت أرضية، سفلية فترى الرجل روحه في الرفيق الأعلى، وبدنه عندك، فيكون نائماً على فراشه، وروحه عند سدرة المنتهى تجول حول العرش، وآخر واقف على خدمة بدنه، روحه في السفلى تجول حول السفليات. آه هنا بقى المشكلة مش كل ده مش المشكلة بيقول: فإذا فارقت الروح البدن، التحقت برفيقها الأعلى أو الأدنى، فعند الرفيق الأعلى كل قرّة عين، وكل نعيم، وسرور، وبهجة، ولذة، وعند الرفيق الأسفل كل هم، وغم، وضيق، وحزن، وضنك، ومعيشة ضنكا، فآثر أحسن المعيشتين، وأطيبهما، وأدومهما. وأشق البدن بنعيم الروح، ولا تُشقي الروح بنعيم البدن، فإن نعيم الروح وشقائها أعظم وأدوم، وإن نعيم البدن وشقائه أقصر وأهون والله المستعان]



كلام قيم جداً لابن القيم رحمه الله رحمةً واسعة. لو أننا تكلمنا عن عناية القرآن والسنة بهذه القضية، قضية علو الهمة، إزاي القرآن اعتنى بالقضية ديه عناية ضخمة يعني، وأولى لها اهتماماً كبيراً. تجد القرآن أستعمل عدة وسائل في استشارة الإنسان إن هو يكون عنده همة عالية إن هو ميرضاش بالدون.

عناية القرآن والسنة بقضية علو الهمة

لـ الطريقة الأولى في القرآن : إنه يذم ساقطي الهمة، تجد ساقط الهمة دا مذموم دايماً في القرآن.

فربنا يقول مثلاً: ﴿ قَالَ أَتَسْتَبْدِلُونَ الَّذِي هُوَ أَدْنَى بِالَّذِي هُوَ خَيْرٌ ﴾ قاعدة كبيرة، حطها في حياتك في أي حاجة: تنام ولا تصلي؟ تاكل أكلة ثقيلة وتضيع الورد ولا أكلة خفيفة وتجب الورد؟ واخذ بالك. تنزل تضيع وقتك وتمشي في الشوارع ومفיש فايده وقاعد بتضيع وقتك ولا تسمع درس علم؟ تقعد على القهوة ولا تيجي تحضر مجلس قرآن؟ "أتستبدلون الذي هو أدنى بالذي هو خير"

قال تعالى عن من يتعلم ولا يعمل: ﴿ كَمَثَلِ الْحِمَارِ يَحْمِلُ أَسْفَارًا بِئْسَ مَثَلُ الْقَوْمِ الَّذِينَ كَذَّبُوا بِآيَاتِ اللَّهِ ﴾



وقال عن المنافقين: ﴿رَضُوا بِأَنْ يَكُونُوا مَعَ الْخَوَالِفِ وَطُبِعَ عَلَى قُلُوبِهِمْ فَهُمْ لَا يَفْقَهُونَ﴾ قال تعالى: ﴿وَلَوْ أَرَادُوا الْخُرُوجَ لَأَعَدُّوا لَهُ عُدَّةً وَلَكِنْ كَرِهَ اللَّهُ انْبِعَاثَهُمْ فَثَبَّطَهُمْ وَقِيلَ اقْعُدُوا مَعَ الْقَاعِدِينَ﴾

وعاتب الله المؤمنين. لما ترددوا فقط في الخروج إلى غزوة تبوك. ترددوا بس،

ترددوا فقط، لم يقرروا أن يتخلفوا، إنما ترددوا في ناس اخدوا وادوا مع أنفسهم بس كده. فنزلت الآيات: ﴿يَا أَيُّهَا الَّذِينَ آمَنُوا مَا لَكُمْ إِذَا قِيلَ لَكُمْ انْفِرُوا فِي سَبِيلِ اللَّهِ أَتَأْخُذْتُمْ إِلَى الْأَرْضِ أَرْضَيْتُمْ بِالْحَيَاةِ الدُّنْيَا مِنَ الْآخِرَةِ فَمَا مَتَاعُ الْحَيَاةِ الدُّنْيَا فِي الْآخِرَةِ إِلَّا قَلِيلٌ إِلَّا تَنْفِرُوا يُعَذِّبْكُمْ عَذَابًا أَلِيمًا وَيَسْتَبْدِلَ قَوْمًا غَيْرَكُمْ وَلَا تَضُرُّهُ شَيْئًا وَاللَّهُ عَلَى كُلِّ شَيْءٍ قَدِيرٌ﴾

حط قاعدة لنفسك، أرضيتم بالحياة الدنيا من الآخرة؟ كل حاجة بتعملها، تلاقي نفسك همتك دنيئة في عمل ما، دايمًا يا إخوانا في ارتباط بين إن أنت معملتش العمل دا، وبين إن في عمل دنيوي تاني هو اللي خدك. أكل، شرب، نوم، فسحة، لعب، هزار، فدايمًا أصل لنفسك الأصل دا، حط القاعدة، اكتب القواعد في أوضتك ، واكتبها على موبايلك، واعمل. دايمًا فكر نفسك بيها. ﴿أَرْضَيْتُمْ بِالْحَيَاةِ الدُّنْيَا مِنَ الْآخِرَةِ﴾ قاعدة طب إيه اللي يعالجني ﴿فَمَا مَتَاعُ الْحَيَاةِ الدُّنْيَا فِي الْآخِرَةِ إِلَّا قَلِيلٌ﴾ طب أنا بدل الأكلة ديه هشتري أكلة في الجنة. بدل النوم ديه هشتري نعيم في الجنة، ليه أنا بدلت؟ ليه خدت الدون؟ وتقعد ورا نفسك كده لغاية ها شد حيلك شوية.



قال تعالى: ﴿وَلَتَجِدَنَّهُمْ أَحْرَصَ النَّاسِ عَلَى حَيَاةٍ وَمِنَ الَّذِينَ أَشْرَكُوا يَوَدُّ أَحَدُهُمْ لَوْ يُعَمَّرُ أَلْفَ سَنَةٍ وَمَا هُوَ بِمُزَحِّزٍ لَهُ مِنَ الْعَذَابِ أَنْ يُعَمَّرَ وَاللَّهُ بَصِيرٌ بِمَا يَعْمَلُونَ﴾ كأن الإنسان الي هو ييحب الحياة أوي ده دايمآ دنيئ الهمة، إن هو خايف، إن هو دايمآ ضعيف إن هو قلقان.

لـ الطريقة الثانية في القرآن: إن هو يزكي أوي أصحاب الهمم العالية، ويأمر بالاعتداء بأصحاب الهمم العالية

فيقول جل في علاه: ﴿فَاصْبِرْ كَمَا صَبَرَ أُولُو الْعَزْمِ مِنَ الرُّسُلِ﴾

كان ممكن يقوله: فاصبر وخلاص. لأ لأ لازم تصبر صبر عالي جداً. طب ما صبر الرسل عموماً كويس، لأ في بقى خمسة من الرسل أو أربعة من الرسل يا محمد صبروا صبر ملوش مثيل {نوح، عيسى، موسى، ابراهيم} أنا أريدك إنك تصبر أحسن من صبر هؤلاء، لا ترضى أن يسبقك أحد إلى الله. فاصبر كما صبر أولو العزم من الرسل. لذلك النبي (عليه الصلاة والسلام) اتربي علي المعني ده، مكنش يحب حد يسبقه أبداً.

القصة المشهورة قصة أبو سفيان بن الحارث، (أبو سفيان بن الحارث بن عبد المطلب) الحارث بن عبد المطلب دا عم النبي (عليه الصلاة والسلام) فأبو سفيان



الحارس يبقى إيه؟ ابن عمه مش كده؟ كان أبو سفيان ده شاعر جامد جداً، وكان يهجو النبي عليه الصلاة والسلام هجاء جامد، وكان يسبه، وكان يطعن في دينه سنين طويلة جداً، حتى اقترب فتح مكة هو ما زال يطعن في النبي (عليه الصلاة والسلام)، وطبعاً لما قريبك يعمل معاك كده غير البعيد، وأثر قريبك في الناس غير أثر أي حد، الناس هتصدقه يقولك ابن عمه يقول عليه كده يبقى هو صح تمام. كان النبي عليه الصلاة والسلام بيغضه جداً جداً أكثر، كان بيغضه جداً؛ لأن أثره في صد الناس عن سبيل الله ملوش مثيل.

فلما النبي عليه الصلاة والسلام كان رايح يفتح مكة أبو سفيان بن الحارث أسلم، مشكلة، وراح يقابل النبي (عليه الصلاة والسلام) مش عارف يقابله إزاي؟ طب اقباله إزاي؟ طب هيصلي إزاي؟ طب هكلمه إزاي؟ هو مش متخيل النبي هيقابله أصلاً. فراح لمن؟ ابن عمهم الثاني علي ابن ابي طالب، فقال: (يا علي دلني ماذا أفعل؟ إزاي أقباله يعني؟ الدخلة إزاي؟ أنا عملت كتير قوي، أنا بقالي عشرين سنة بحارب الإسلام، هخش عليه إزاي؟ دا بيكرهني جداً).

فقال علي: (أنا هقولك تعمل إيه؟ الكلمتين الي هقولهملك دول تعملهم متسألنيش ليه. قاله: قل. قال: إذا لاقيت النبي عليه الصلاة والسلام فاستقبله من وجهه، وقل له فوراً

﴿ تالله لقد اترك الله علينا وإن كنا لخاطئين ﴾

ثم قال علي: فإن النبي عليه الصلاة والسلام لا يرضى أن يكون أحدٌ أفضل منه عند الله.



هو فاهم بيقول إيه علي بن أبي طالب. لكن أبو سفيان ما يعرفش هو بيتقاله كده ليه؟ فقال: خلاص أنا بعمل الي أنت قُلت عليه وخلاص. فراح للنبي عليه الصلاة والسلام أول ما شافه دخل عليه على طول قبل ما يقول أي حاجة، قال ﴿ تَاللّٰهِ لَقَدْ اَثَرَكَ اللّٰهُ عَلَيْنَا وَإِنْ كُنَّا لَخَاطِئِينَ ﴾ فقال النبي عليه

الصلاة والسلام: ﴿ لَا تَثْرِيْبَ عَلَيْكُمْ الْيَوْمَ يَغْفِرُ اللّٰهُ لَكُمْ وَهُوَ اَرْحَمُ الرَّاحِمِيْنَ ﴾

وكان يقرب أبا سفيان بن الحارث تقريب غير عادي، وكان يحبه حباً جماً، وكان يقول له: [لعلي أرى فيك خلفاً من حمزة بن عبد المطلب] كان أبو سفيان فارس كبير يقوله: انا مستنيك تبقى زي حمزة وأحسن منه، شد حيلك ﷺ. كان بيحبه أوي. ❤️

بس الدخلة شوف الدخلة إزاي، وعلي بن أبي طالب عرف إزاي إن النبي عليه الصلاة والسلام مش هيخذل ظن علي فيه، لأن هو عارف النبي متربي على إيه؟ متربي من الله سبحانه وتعالى إن أنت مترضاش أي حد يسبقك لربنا. دايماً أنت بتبقى دايماً سباق، دايماً عايز أنت الي تغلب، إزاي يوسف عليه السلام يعديني لأ أنا برضو أبقي زيه أو أحسن منه في الموقف ده، زي ما هو سامح إخواته أنا سامح ابن عمي. وزي ما هو قرب إخواته أنا أقرب ابن عمي.

ربنا بيوصف الناس أصحاب الهمم العالية قال: ﴿ قَالَ الَّذِينَ يَظُنُّونَ أَنَّهُمْ مُّلَاقُوا اللّٰهِ كَمْ مِّنْ فِئَةٍ قَلِيلَةٍ غَلَبَتْ فِئَةً كَثِيرَةً بِإِذْنِ اللّٰهِ وَاللّٰهُ مَعَ الصّٰبِرِينَ ﴾ أو يصف دايماً الحاجات الجامدة إن الي بيعملها رجالة. ربنا قال: ﴿ يَا أَيُّهَا النَّاسُ إِنَّا خَلَقْنَاكُمْ مِّنْ



ذَكَرٍ وَأُنْثَىٰ وَجَعَلْنَاكُمْ شُعُوبًا وَقَبَائِلَ ﴿١﴾ صَح؟ بس في حاجات معينة
اتكلم فيها عن رجال. يقول: ﴿٢﴾ فِي بُيُوتِ أَذْنِ اللَّهِ أَنْ تُرْفَعَ وَيُذْكَرَ فِيهَا
اسْمُهُ يُسَبِّحُ لَهُ فِيهَا بِالْغُدُوِّ وَالْآصَالِ رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ
ذِكْرِ اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ يَوْمًا تَتَقَلَّبُ فِيهِ الْقُلُوبُ
وَالْأَبْصَارُ ﴿٣﴾

قال: ﴿٤﴾ فِيهِ رِجَالٌ يُحِبُّونَ أَنْ يَتَطَهَّرُوا وَاللَّهُ يُحِبُّ الْمُطَهَّرِينَ ﴿٥﴾ ﴿٦﴾ وَجَاءَ مِنْ أَقْصَى
الْمَدِينَةِ رَجُلٌ يَسْعَى قَالَ يَا قَوْمِ اتَّبِعُوا الْمُرْسَلِينَ ﴿٧﴾

مقام الدعوة إلى الله سبحانه وتعالى. ﴿٨﴾ وَجَاءَ رَجُلٌ مِّنْ أَقْصَى الْمَدِينَةِ يَسْعَى قَالَ

يَا مُوسَىٰ إِنَّ الْمَلَائِكَةَ يَأْتَمِرُونَ بِكَ لِيَقْتُلُوكَ فَاخْرُجْ إِنِّي لَكَ مِنَ النَّاصِحِينَ ﴿٩﴾

مقام النصيحة، مقام إنقاذ الناس، مقام الوقوف في حاجات الناس. تجد دايمًا

الرجولة فيه في القرآن ارتبطت بمواقف الهمم العالية أو القرآن يستعمل الأسلوب

الصريح ﴿١٠﴾ فَاسْتَبِقُوا الْخَيْرَاتِ ﴿١١﴾ ﴿١٢﴾ وَسَارِعُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا

السَّمَاوَاتُ وَالْأَرْضُ أُعِدَّتْ لِلْمُتَّقِينَ ﴿١٣﴾

﴿١٤﴾ سَابِقُوا إِلَىٰ مَغْفِرَةٍ مِّن رَّبِّكُمْ وَجَنَّةٍ عَرْضُهَا كَعَرْضِ السَّمَاءِ وَالْأَرْضِ أُعِدَّتْ

لِلَّذِينَ آمَنُوا بِاللَّهِ وَرُسُلِهِ ذَلِكَ فَضْلُ اللَّهِ يُؤْتِيهِ مَن يَشَاءُ وَاللَّهُ ذُو الْفَضْلِ الْعَظِيمِ ﴿١٥﴾



﴿لَا يَسْتَوِي الْقَاعِدُونَ مِنَ الْمُؤْمِنِينَ غَيْرُ أُولِي الضَّرَرِ وَالْمُجَاهِدُونَ فِي سَبِيلِ اللَّهِ بِأَمْوَالِهِمْ وَأَنْفُسِهِمْ فَضَّلَ اللَّهُ الْمُجَاهِدِينَ بِأَمْوَالِهِمْ وَأَنْفُسِهِمْ عَلَى الْقَاعِدِينَ دَرَجَةً وَكُلًّا وَعَدَ اللَّهُ الْحُسْنَىٰ وَفَضَّلَ اللَّهُ الْمُجَاهِدِينَ عَلَى الْقَاعِدِينَ أَجْرًا عَظِيمًا﴾

قال تعالى: ﴿وَفِي ذَلِكَ فَلْيَتَنَافَسِ الْمُتَنَافِسُونَ﴾

فالقرآن استعمل طرق عدة عشان يستثيرك في التوجه ده، وإذا انتقلت إلى السنة وجدت السنة برضو بديعة في هذا الأمر. النبي عليه الصلاة والسلام دايمًا يحفز أصحابه (عليه الصلاة والسلام) إن هما يطلبوا الحاجات العالية. فمثلاً يقول (النبي عليه الصلاة والسلام): **[احرص على ما ينفعك]** هذه قاعدة جليلة، احرص على ما ينفعك.

أنا عندي ساعة فاضية ممكن ألعب بلايستيشن، ممكن أفتح الفيس بوك، ممكن أعمل شوية بوستات دينية، ممكن اقرأ كتاب، ممكن أجيب وردي في القرآن، ممكن أسمع قرآن، احرص على ما ينفعك. الحاجات ديه فيها حاجات خير، وحاجات شر، وحاجات أحسن من حاجات اختار أنهي؟

القاعدة الجليلة: **احرص على ما ينفعك**. لا أنا عندي ساعة هجيب ورد المراجعة ده أهم حاجة عندي.

ما في ناس برضو من مظاهر الهمة الدنيئة أنك أنت تتخير من الأعمال الصالحة أقلها أهمية. وتتحجج إن إحنا مبنعملش حاجة وحشة. ما هو خير برضو، واحد قاعد



مثلاً يشير بوسطات دينية ماشي. يقول لك: خير، ما أنا مبعملش حاجة غلط. أيوة بس ده وقت ورد المراجعة. دا أهم. فيمضي العمر في الأعمال المفضولة والأعمال اللي هي مطلوبة- اللي هي بتشحنك، اللي هي بتعليك، اللي هي بتزودك- ما تعملهاش. وأنت ضميرك مش بيأنبك لأن أنت مش بتعمل

حاجة حرام. اه صح أنت مش بتعمل حاجة حرام، بس أنت تركت الأفضل، تركت اللي كان هيخليك تتقدم، تهتفضل في مكانك كثير لأنك أنت دايماً لما بتخير بين الأعمال الصالحة بتختار الأسهل، الحلو، السالك فاهم إزاي؟ ما بتختارش دايماً الصعب. ﴿فَلَا اقْتَحَمَ الْعَقَبَةَ وَمَا أَدْرَاكَ مَا الْعَقَبَةُ﴾ خش بقي في الثقل أطلب معالي الأمور مش كده؟

طريقة السنة قال النبي (عليه الصلاة والسلام): [اللهم اني أسألك الثبات في الأمر، والعزيمة على الرشد]

وكان يقول: "إِنَّ اللَّهَ يُحِبُّ مُعَالِيَ الْأُمُورِ وَأَشْرَافَهَا وَيَكْرَهُ سَفْسَافَهَا". هكذا يربي الصحابة، لذلك الصحابة اتربوا القصة ديه ما كان أحد يوم يحب سفاسف الأمور، ولا يرضى بها أبداً. وكان يقول :

"ومن أصبح وهمّه الآخرة جمع الله له همّه وحفظ عليه ضيعته وجعل غناه في قلبه وأتته الدنيا وهي راغمة من أصبح وهمّه الدنيا شتت الله عليه أمره وفرّق عليه ضيعته وجعل فقره بين عينيه ولم يأت من الدنيا إلا ما قدر له"

احتقار شديد لأمر الدنيا وأصحاب الهمم الدنيئة الي هو مش عايز

غير الدنيا.

وكان يعلمهم الهمة العالية ديه ممكن توديك فين يقول: "لَوْ يَعْلَمُ النَّاسُ مَا

فِي النَّدَاءِ وَالصَّفِّ الْأَوَّلِ، ثُمَّ لَمْ يَجِدُوا إِلَّا أَنْ يَسْتَهْمُوا عَلَيْهِ لَا يَسْتَهْمُوا

عَلَيْهِ، وَلَوْ يَعْلَمُونَ مَا فِي التَّهْجِيرِ لَا سَبَقُوا إِلَيْهِ، وَلَوْ يَعْلَمُونَ مَا فِي الْعَتَمَةِ

وَالصُّبْحِ لَأَتَوْهُمَا وَلَوْ حَبَوًّا"

لو عارفين إيه الي في صلاة الفجر والعشاء من أجور، ولو مشلول هيجي ماشي على

إيديه ويقول للصحابة: "يَقَالُ لَصَاحِبِ الْقُرْآنِ اقْرَأْ وَارْقَ وَرَتِّلْ كَمَا كُنْتَ تَرْتِّلُ فِي

الدُّنْيَا فَإِنَّ مَنَزَلَتَكَ عِنْدَ آخِرِ آيَةٍ تَقْرُؤُهَا"

فبيقولهم الآخر، هات الآخر ما ترضاش بأقل من الآخر. ابذل وقتك، ومجهودك حتى

تصل إلى النهاية. يقول: "إِذَا سَأَلْتُمُ اللَّهَ فَسَأَلُوهُ الْفَرْدُوسَ الْأَعْلَى".

يقول:

"إِذَا سَأَلَ أَحَدُكُمْ فَلْيُكْثِرْ ، فَإِنَّمَا يَسْأَلُ رَبَّهُ"

اسأل الحاجات العالية، اسأل الحاجات العظيمة. شوف سليمان عليه السلام الهمة العالية

عجيب جداً سليمان في الدعاء. ﴿ قَالَ رَبِّ اغْفِرْ لِي وَهَبْ لِي مُلْكًا لَا يَنْبَغِي لِأَحَدٍ

مِّنْ بَعْدِي إِنَّكَ أَنْتَ الْوَهَّابُ ﴾. يعني لا يمنعك شيء أنت الوهاب ففعل سبحانه

وتعالى: ﴿ فَسَخَّرْنَا لَهُ الرِّيحَ تَجْرِي بِأَمْرِهِ رُخَاءً حَيْثُ أَصَابَ وَالشَّيَاطِينَ كُلَّ بَنَّاءٍ

وَعَوَّاصٍ وَآخِرِينَ مُقَرَّنِينَ فِي الْأَصْفَادِ هَذَا عَطَاؤُنَا فَامْنُنْ أَوْ أَمْسِكْ
بِغَيْرِ حِسَابٍ وَإِنَّ لَهُ عِنْدَنَا لَزُلْفَىٰ وَحُسْنَ مَآبٍ ﴿٣٧﴾



يعني مخدش حاجة من أجر الآخرة. ليه أنت مش بتدعي بحاجة زي

كده؟ ليه لما بتدعي حتى أنت نفسك حتى بخلان على نفسك بالدعاء يا أخي

يعني تقول: [يا رب، يا رب أصلي] ماشي كويس، ليه مبتطلبش يا رب أبقي من العلماء
يا رب أبقي من الدعاة. يا رب أبقي من العباد، يا رب أبقي من المقربين منك يا رب،
يارب أكون من السابقين الأولين. ليه ما بتعملش كده؟ حتى الدعاء يعني الدعاء
هيكلفك إيه؟ حتى الدعاء همتك فيه يعني ضعيفة جداً، ضعيفة جداً. تطلب حاجة على
قدك خالص. طب ليه؟ أنت لما بتطلب بتطلب على قدك وإلا على قدر الله سبحانه
وتعالى؟ هو سليمان قال: إنك أنت الوهاب، ولا قال: إنني أنا أستحق. قال إنك أنت
الوهاب.

ما لو هقيسها عليا هاطلب أقل من كده. لكن أنا قايس على ملكك أنت،
وقدرتك أنت، قدرته ليس لها حدود. فليكن طلبك بلا حدود مش كده؟ اطلب من
قلبك، بس متطلبش طلب الكداب الي هو بيطلب مبيعلمش حاجة لأ. مينفعش واحد
بقول يارب أطلع الأول على الفصل ومرحش الإمتحان. طب إزاي؟ ورقتي تتلغبط
مثلاً مع واحد طب ما أنت مروحتش أصلاً فاهم يعني لازم تعمل حاجة. فده طلب
كداب إنك أنت تطلب بدون عمل تمام.



طيب الصحابة بقى الكرام رضي الله عنهم وأرضاهم لما اتربوا التربية
ديه بقى العالية من النبي عليه الصلاة والسلام عملوا إيه؟ كسروا الدنيا، طلع
منهم نماذج عجيبة،

أبو هريرة رضي الله عنه. النبي (عليه الصلاة والسلام) يوزع الغنائم فجّه دور

أبو هريرة لقاه قاعد ساكت مبيقولش حاجة ولا بيتكلم، فقال: يا أبو هريرة ألا تسألني

مما سأل أصحابك من الغنائم؟ فقال يا رسول الله يعني غنائم إيه وبتاع إيه - أنت

عارف غنيمة يعني إيه؟ يعني ممكن الواحد يطلعله بمليون جنيه مثلاً في الغنيمة ديه،

يطلعله مثلاً بعشرة من الإبل رقم ضخم جداً بالنسبة لنا مائة ألف غير بقى الدراهم

والدنانير - مش بيتكلم في حاجة مش بيزهد في غنائم يعني اثنين جنيه وربيع يعني، لأ

الغنيمة ديه ممكن الواحد فعلاً يطلعله بمليون جنيه في غزوة عادي يعني. ما بيعزو بلد

يا إخوانا، بيأخذ فلوس بلد، وهما كلهم بيبقى ألف واحد مثلاً تخيل الفلوس ديه لما

تتوزع على ألف واحد، بيأخذ كام الواحد؟ يعني رقم ضخم جداً. طب هريرة مش في

باله أصلاً القصة ديه، يقول يا رسول الله: (أسألك أن تعلمني مما علمك الله)

بس هو دا اللي أنا عايزه فالنبي فرح به جداً، قال أبو هريرة راح النبي قلع، كان في حاجة

مغطي بها ظهره قلعه وفردها قدام أبو هريرة ثم حدّث أبو هريرة وأبو هريرة يسمع،

حدّثه وأبو هريرة يسمع، حدّثه وأبو هريرة يسمع، فقال يا أبا هريرة: [اجمع هذه الشملة



إِلَيْكَ] ضمها إليك، جمع الشملة وضمها إليه أبو هريرة قال: (ومن يومها وأنا لا أنسى حرفاً حفظته من الرسول عليه الصلاة والسلام)
لذلك لا تعجب إن أبو هريرة صاحب النبي عليه الصلاة والسلام تلت سنين بس، تلت سنين. وفي التلت سنين ديه كان أكثر واحد يروي عن النبي عليه والسلام. بسبب الهمة العالية.

أبو هريرة كان قاعد مع زيد بن ثابت وقاعد مع واحد تاني مات ذكرش اسمه يعني في الحديث، فالنبي عليه الصلاة والسلام كان موجود، فقا لهم: ادعوا وأنا هأمّن. فرحوا أوي. فبدأ زيد ابن ثابت ودعا وأحسن، النبي عليه الصلاة والسلام يقول آمين آمين. جميلة وبعد كذا الثاني دعا والنبي عليه الصلاة والسلام قال آمين آمين، فرح جداً. جه دور أبو هريرة، قال اسأل أبا هريرة فقال أبو هريرة: **(اللهم إني أسألك كما سأل صاحبي، وأسألك علماً لا ينسى)** فقال النبي: آمين. فقال زيد، وأنا يا رسول الله اسألك علماً لا ينسى فقال سبقك بها الغلام الدوسي.

خلاص كل واحد خد دوره. مقلش ليه؟ مقلتش ليه لما جه الدور عليك؟ قلت كل حاجة نسيت العلم الذي لا ينسى ليه؟ أبو هريرة جاب من الآخر، هأخذ الي الناس خدوه دا كله وياريت كمان علم لا ينسى. جاب من الآخر كان راجل عادي يعني يذكر في طرائف الحج، يعني الناس بتحكي يعني، إن واحد دخل يعني مش معاصر، قديم يعني، دخل الى الحرم وجد الناس بقى الي على الملزم والي بيكي والي عند الحجر



والي عند المقام وكله بقى إيه منهار في الدعاء والبكاء وبتاع، فقال: (كنت لا أحسن الدعاء معرفش أدعي إيه؟ فدخل رفع يديه للسماء وقال: (اللهم إني أسألك كل ما سأل هؤلاء) ثم مضى. بس هو دا اللي عمله كويس جداً يعني لو ربنا استجابله خلصت خلاص هو خد كله يا رب كل اللي قالوه بقي ادهولي أنا وخلاص أنا مش عارف أقول إيه؟ فيعني شوف رغم إن هو مبيعرفش يدعي، بس عنده همة. فاهمة ديه سبحان الله ربنا هداه يقول إيه. يا رب كل اللي قالوه ده يلا تبعنا تمام، سبحان الله.

عكاشة بن محصن طبعاً أنتو عارفين لما النبي عليه الصلاة والسلام قعد يوصف الناس اللي يدخلوا الجنة بغير حساب، قال يا رسول الله: ادعوا الله لي أن أكون منهم. قال: أنت منهم. قام رجل آخر: ادعوا الله لي أن أكون منهم. قال: سبقك بها عكاشة. طب ليه؟ لأ يعلمهم. يبقى الأول لا مفيش. طب خلاص ده فرق بيني وبينه ثانية واحدة، هي تربية. تقول الأول تكسب. تاني معلش. خسرت بونت أنت كده. تمام.

عكاشة بن المحصن يوم خير لما الصحابة الكرام تنافسوا على الإمارة لأول مرة في حياتهم ليه؟ لكلمة قالها النبي عليه الصلاة والسلام يوم خير قال: **(لأعطين الراية غداً لرجل يحب الله ورسوله، ويحب الله ورسوله يفتح الله على يديه)**. فبات الصحابة يدكون، يعني يفكروا مين ده البطل اللي هياخد الراية. قال عمر: **(ما تمنيت الإمارة في حياتي إلا يوم خير)** علشان الكلمة ديه فيقول لما اصبحنا في الصباح فكان



كُلُّ منا يشرئب للنبي (عليه الصلاة والسلام) كله بقى ، أنا جامد جداً مفيش
بقى، فقال النبي عليه الصلاة والسلام: **[أين علي ابن ابي طالب]** ويعني
الناس بقى اتصدموا صدمة جامدة جداً إن الي فاز بالمنقبة ديه على رضي الله
عنه وأرضاه.

ربيعة بن كعب الأسلمي كان بيوضي النبي عليه الصلاة والسلام وكان
بيساعده، فقال النبي عليه الصلاة والسلام: **[يا ربيعة سلني سلني ما شئت يا ربيعة]**
فقال ربيعة: **(انظر يا رسول الله)** استني ثانيه لما أفكر دا موضوع كبير، قال: **(فتفكرت**
في الدنيا فوجدت أنها فانية) هطلب إيه يعني قصر؟ زوجة؟ مال؟ اطلب إيه؟ إيه اللي
هطلبه في الدنيا؟ ما هو كله رايح. قال: **(ثم فكرت في أمر الآخرة فعلمت أنها الباقية،**
ثم فكرت في المنازل، فما وجدت منزلاً أفضل من منزل النبي عليه الصلاة والسلام،
فقلت: يا رسول الله أسألك مرافقتك في الجنة)، قال: أو غير ذلك يا ربيعة؟ قال:
(لا هو ذاك) يعني مفيش حاجة في الدنيا تتطلب كله مالوش لازمة، كله محصل بعضه
هي نومة أقل، أكل أقل، كله مودة في الآخر، المهم مرافقة النبي عليه الصلاة والسلام في
الجنة. الناس ديه متربية تربية عالية جداً حتى النساء يا إخوانا، الأمر ما لم يكن مقتصر
على الرجال

ابن عباس كان يمشي مع عطاء ابن ابي رباح، فقال ابن عباس: يا عطاء ألا أريك
إمرأة من أهل الجنة؟ قاله امرأة من أهل الجنة! فين ديه؟ تسير بيننا! قال: نعم أدلك على



إمرأة من أهل الجنة شهد لها النبي عليه الصلاة والسلام أنها من أهل الجنة. قال من هذه المرأة؟ قال هل ترى هذه المرأة السوداء؟ رأى سوداء قبيحة لا يؤبه لها في المجتمع، وكان يصيبها الصرع الناس عارفة إن هي يبجيلها صرع واحدة مريضة مين ديه؟ ليه؟ فقال: هذه المرأة التي تصرع، هذه السوداء التي

تصرع، جاءت إلى النبي عليه الصلاة والسلام يوماً، فقالت يا رسول الله إني أصرع يبجيلي صرع. عارف يعني إيه ست يبجيلها صرع؟ حاجة صعبة جداً، حاجة لا تحتمل، أنت بتشوف راجل بيصعب عليك، ما بالك لو ست تصرع، ممكن يحصل كده في الشارع. قالت: **(إني أصرع، وإني اتكشف)** ديه مصيبة تانية لما بصرع ممكن يعني أبين عورتي. فقال النبي عليه الصلاة والسلام: **"إِنْ شِئْتَ صَبَرْتَ وَلَكَ الْجَنَّةُ، وَإِنْ شِئْتَ دَعَوْتُ اللَّهَ تَعَالَى أَنْ يُعَافِيكَ، فَقَالَ: أَصْبِرْ، فَقَالَتْ: إِنِّي أَتَكَشَّفُ فَادْعُ اللَّهَ أَنْ لَا أَتَكَشَّفُ، فَدَعَا لَهَا"**

أتصرع ماشي، أتكشف لأ ✕ فدعا لها ألا تتكشف حين تصرع. فكانت تصرع ولا تتكشف. هي ديه المرأة من نساء الجنة. ورضيت أن تفضل عندها صرع طول حياتها. وتصبر عليه، بس تخش الجنة. سبحان الله.

سعد بن خيثمة كان طالع غزوة بدر مع النبي عليه الصلاة والسلام فكان لازم حد يقعد وحد يطلع فكان أبوه عايز حد يقعد مع النساء، فهو وأبوه اتنافسوا راحوا للنبي عليه الصلاة والسلام. قالهم واحد فيكم يطلع ولازم واحد يقعد مع النساء،



مكنش في غيرهم، فأبو سعد قاله: دا أبوك بقى أطلع أنا بقى. (قاله: لا، لو

كانت غير الجنة لآثرتك بها يا أبي ولكنها الجنة)

معلش هنا نقطة من أول السطر، مقدرش، ساحني. فقضي النبي عليه الصلاة

والسلام أن يستهما، عملوا قرعة خرج سهم سعد بن خيثمة الابن. وخرج يوم

بدر وقتل رضي الله عنه وأرضاه. عجيب أمر الصحابة الكرام إزاي وصلوا إلى ذلك،

مربط الفرس: الزهد في الدنيا، الزهد في الدنيا؛

لإن دايماً - أنا قُلتكم - في ارتباط وثيق بين دنائة المهمة دايماً، وبين شيء من الدنيا. لإن

دايماً دنيئ المهمة الي خلاه كده، إن هو بدل الحاجة المهمة ديه عمل حاجة دنيوية، أكلة،

شربة، نومة، فسحة، حاجة كده المهم ضيعت الوقت وخلاص الفرق بين الأولاني

والثاني إن همته دنيئة، إن هو يريد الحياة الدنيا أو يحبها أوي أو يعني بالنسبale هي حاجة

كبيرة ممكن من أجلها يضحي بأمر من أمور الآخرة. لكن الإنسان الي بيعرف قيمة

الدنيا يزهد فيها، فإذا زهد فيها استطاع أن يجد وقت طويل لشغل الآخرة، ولما يعرف

قيمة الآخرة يسارع إليها وبالتالي تعلو الإيه؟ تعلو المهمة، تعلو المهمة.

• الأمر الثاني من أسباب علو المهمة: أن يحافظ

الإنسان على الوقت.



ابن عقيل الحنبلي يقول: [إنه لا يحل لي أن أضيع ساعةً من عمري، فأنا بين مطالعة، ومدارسة، ومذاكرة، وكتابة. حتى إذا غلبني النوم انطرحت على الفراش وأعملت فكري، فلا أقوم إلا وأنا أعلم ماذا سأكتب، ماذا سأطالع و من سأنظر]. حتى وهو نايم يفكر.

وكان الإمام البخاري ربما يقوم في الليلة الواحدة عشرين مرة يدون الفوائد. يعني هو نايم دماغه شغالة من كتر همته العالية وهو نايم يفكر في الحديث، ويحل مسائل، ويحل إشكاليات، فمممكن يقوم عشرين مرة في الليلة يكتب فوايد، أو مال هو صاحي بيعمل إيه؟ شيء غريب.

قيل لأحدهم قف أكلمك، قال: أوقف الشمس مفيش وقت، مفيش وقت الدنيا بتجري، الدنيا بتجري ما في وقت نضيعه، من الحاجات العظيمة اللي تعينك على علو الهمة إنك أنت تصاحب أصحاب الهمة العالية، أنت تنقي بقى تنقي أصحابك بقى، اللي هو يكون أصلاً شخص عنده همة دائماً، تلاقي بيطلب معالي الأمور؛ لأن صاحب الهمة الدنيئة ديه عدوى، أنت صاحبك همته دنيئة، فيوم ما أنت تعديه بدرجة تحس إنك أنت يعني البخاري، لكن لو أنت صاحبك أصلاً جامد، متقدم، هتلاقي نفسك دائماً حاسس إن أنت ضايع، تعبان، وهو يقعد بيشدك، يسحبك. لذلك موضوع الصحبة ده موضوع مهم جداً.



قال النبي عليه الصلاة والسلام ((إِنَّ مِنَ النَّاسِ مَفَاتِيحَ لِلْخَيْرِ
مَغَالِيقَ لِلشَّرِّ، وَإِنَّ مِنَ النَّاسِ مَفَاتِيحَ لِلشَّرِّ مَغَالِيقَ لِلْخَيْرِ، فَطُوبَى لِمَنْ
جَعَلَ اللَّهُ مَفَاتِيحَ الْخَيْرِ عَلَى يَدَيْهِ، وَوَيْلٌ لِمَنْ جَعَلَ اللَّهُ مَفَاتِيحَ الشَّرِّ عَلَى
يَدَيْهِ)).

وكان جعفر يقول: [كنت إذا وجدت في قلبي قسوة ذهبت إلى محمد ابن
واسع، فأنظر إليه نظرة فأفبق أسبوعاً]. أقعد أسبوع شغال مئة مئة علشان بصيت
في وشه، شفته بس. أومال هو لو صاحبه كان عمل إيه؟

ابن المبارك يقول: [كنت إذا نظرت إلى الفضيل ابن عياض مقت نفسي -
كرهت نفسي - واستحققت عملي واستحققت كل حاجة عملتها في حياتي -
وجدد لي الحزن، وعملت أياماً]. دا ابن المبارك نعمل إيه إحنا؟ نشوف مين طيب
يعني؟ مين يآثر فينا؟ الفضيل بن عياض عجيب سبحانه الله.

الإمام ابن عقيل الحنبلي -الي أنا لسه قايلكم ده- بيقول إيه الي خلاني كده؟
بيحكى بقى في قصته يقول عصمني الله من عنفوان الشبيبة وأنا شاب ربنا كان هادينى
كدا، الشباب بالذات؛ لأن كل الإنتاج بيبقى في الشباب، بيقول وأنا في الشباب ربنا
كرمى إن أنا كنت شاب مطشش مع الشباب. قال: [لقد قصر الله محبتي على العلم،
وأهل العلم، فما خالطت لَعَاباً قط، ولا عاشرت أحداً إلا أمثالي من طلبة العلم].



يعني عمري ما عرفت أحد إلا طلبة العلم بس. هم دول الي كنت أعرفهم. معرفش بقى العيال الي بتلعب، والعيال الي بتشرب، والعيال الي بتقف على القمة، والكلام ده. عمري ما كان ليا واحد صاحبي كده. بيقول ده ربنا كرمني بالموضوع ده.

عشان كده أنا بقيت ابن عقيل الحنبلي الي أنتم بتتعجبوا منه، الي كتب كتاب الفنون في 800 مجلد. أكبر كتاب في التاريخ. فيقول إيه الأسباب؟.

- الأسباب إن هو مكنش بيضيع وقته،
 - و من الأسباب إن هو كان كل أصحابه طلبة علم،
- عشان كده نشأ نشأة عالية جداً. فمصاحبة أصحاب المهمة العالية طبعاً ليه أثر كبير جداً. من ذلك التحول عن البيئة المثبطة. لازم تغيرها، لازم تبعد عنها. لما الراجل قاله: (ومنْ يُحَوِّلْ بَيْنَهُ وَبَيْنَ التَّوْبَةِ؟ انْطَلِقْ إِلَى أَرْضٍ كَذًا وَكَذًا، فَإِنَّ بِهَا أَنْاسًا يَعْبُدُونَ اللَّهَ تَعَالَى فاعْبُدِ اللَّهَ مَعَهُمْ، وَلَا تَرْجِعْ إِلَى أَرْضِكَ فَإِنَّهَا أَرْضٌ سُوءٌ) طول ما أنت في المكان ده، وسط الناس ديه عمرك ما هتتقدم أبداً، لازم تبعد عنه، لازم تسيبهم، لازم تغيرهم. التحول عن الإيه؟ عن البيئة المثبطة.

• من الحاجات الي تعين على علو المهمة ذكر الموت



لإن ذكر الموت يا إخواني بيخليك تسخن بقى، تجري، تنجز، تسرع. لما يقرب الإمتحان الطالب يذاكر جامد، طب إمتحان النبي آدم امتى؟ موت. طب امتى؟ معرفش، ماهي ديه المشكلة. طب ليه مبتفترضش إن هو النهاردة وتشتغل على كده، هو مش ممكن يبقى النهاردة؟ ممكن جداً، وارد، احتمال كبير. ممكن يبقى بكرة. طب مين الي كويس في الإمتحان الي هو مبنساش الموت أبداً، مينسهوش أبداً.

عن أبي هريرة رضي الله عنه قال: قال رسول الله ﷺ: "أكثرُوا ذكر هادم اللذات: الموت". رواه الترمذي أكثرُوا من ذكر هادم اللذات. فلما تُكثِر من ذكر الموت تجد كل يوم همّتك عالية. هي الوصية ديه: [إذا أصبحت فلا تنتظر المساء] وكانت واحدة من السلف تقوم الليل، تقول: [قومي هذه الليلة ليلتك لا ليلة لك غيرها] قال: فتقوم حتى تصبح، فإذا حضر الصباح قالت: [هذا صباحك لا صباح لك إلا هذا الصباح] فتجتهد في العمل حتى تَمسي كل ليلة تقول كده تقول لها ديه آخر الليلة، ده آخر صبح، ديه آخر ليلة، دا آخر صبح، فضلت على كده حتى ماتت على خير حال رحمها الله رحمةً واسعة.



الحسن البصري راح زار واحد بيحتضرمات قدامه فرجع بيته فمراته
بتعمل أكل عادي، فبتحطله الأكل، قال: [عليك بطعامك، وشرابك فإني
رأيت اليوم مصرعاً لا أزال أعمل له حتى ألقى الله] مش قادر أنسى
المشهد اللي شفته ده أكل إيه، وشرب إيه، ونوم إيه الي بتتكلمي فيه. شيلي
الأكل ده أنا مش فاضي أتكلم خلاص، الي شفته النهاردة ده نساني كل أمور الدنيا، أنا
هفضل أشتغل بس في أمور الآخرة الحاجات ديه بتجدد فيك الهمة إنك تشوف مصرع
قدامك إنك تذكر الموت، إنك تحضر ميت، إنك تزور مقابر. الدعاء قوي جداً في جلب
علو الهمة.

• من الحاجات ديه التركيز يا إخوانا

التركيز دايماً الحاجات الي بتدمر، بتضيع همتك التشتيت. إنك أنت تشتغل في
100 حاجة مع بعض. شوية فيس، شوية تويتر، شوية كتاب، شوية مذاكرة، شوية
مراجعة، شوية قراية عمرك ما بتنجز ليه؟ مش مركز.
التركيز ده بيعمل إنتاج رهيب، كان في متخصص في علم النفس اسمه ويليام مولتون
مارستين يقول: [العقل الإنساني له كفاءة مذهشة إذا ركز تركيزاً قوياً حاداً].
ونقل عن وليام جيمس قال: [إن الفرق بين العباقرة وغيرهم من الناس العاديين
ليس مرجعه إلى صفة أو موهبة فطرية للعقل بل إلى الموضوعات والغايات التي
يوجهون إليها همهمهم، وإلى درجة التركيز التي يسعهم أن يبلغوها]



بعد كده ويليام مولتون بيعلق، يقول: [وهذه القدرة تكتسب بالمران -

تمرين يعني - وتتطلب صبر فإن الانتقال من الشرود - التشيت ده - إلى

حصر الذهن حصراً بيناً محكماً، هو ثمرة جهد مُلح، وليس بكثير أن ترد

عقلك إلى التركيز ولو خمسين مرة - يروح ترجعه يروح ترجعه - ومائة

مرة إلى الموضوع الذي اعتزمت معالجته، فإن الخواطر توشك أن ترحل عنك،

وتترك الفراغ لما ركزت عليه وحددت فيه الهدف]

السلف كانوا بينجزوا ليه يا إخوانا؟ علشان كانوا بيركزوا، ممكن يركز في حاجه

حتي روي عنهم أشياء غريبة، كان ممكن الواحد فيهم يمشي يقرأ في كتاب فيصطدم

بعمود، وحاجات ممكن تضحكك بس هي فعلاً. في واحد فيهم مات في الطريق كان

بيقرأ وقع في حفرة مات. يعني ممكن مشفش الحفرة فعلاً. ديه حاجة مبالغ فيها لكن

بقولك قد إيه السلف كان ممكن يركز في الكتاب، يركز في فكرة، يركز في موضوع عشان

كده كان بينجز.

كان الخليل بن أحمد "إمام اللغة" يخرج من منزله فلا يشعر إلا وهو في

الصحراء. يعني كان ممكن يقعد يقرأ لغاية ما يلاقى نفسه علي البحر كده ميعرفش يعني،

مشكلة.



ابن سحنون كان عالم برضو، كان بيقعد بالليل يقرأ ويكتب فدخلت عليه أخته، هي عارفة ميعاد العشاء، فوضعت له العشاء، ثم جاءت بعد ساعة فوجدت العشاء كما هو لم يتحرك، ابن سحنون قاعد مركز بس، يكتب بس، قال فاطمته بيدها، افتح فمك، خد كل كل، أكل وخلص العشاء، قالت ثم ناداني في آخر الليل وقال: أين العشاء، قالت: والله لقد وضعتهُ أمامك وأكلتك بيدي، قال: ما انتبهت إليك. أنت متخيل!! أكلته الأكل كله مخدش باله خالص، مخدش باله يعني لو ملح ناقص إديله، أي حاجة كان هيدوس. إحنا مركزين في حاجات تانية خالص. أنت النوتفيكيشن تطلعك من هنا افتح بسرعة، الحق بسرعه اكتب، على ما تركز تاني شوف بقي بتستهلك كام وقت عشان تقرأ في صفحة في كتاب، وإلا تحفظ عشر آيات مشكلة كبيرة. التركيز ده بيخليك تنجز. فلازم إنك أنت تركز.

• أخيراً الحاجات الي تحمسك أوي إنك أنت تشوف همة

العواجيز.

بعض الناس ممكن يبقى بيسمع الكلام ده، يقولك يااه ربنا يقويكم يا شباب بقي، شدوا حيلكم، مليش أنا دعوة بالقصة ديه. لأ وكمان الشاب لما يسمع الكلام ده يستحي. ابن المبارك كان يطلب العلم إلى أن كبر، فقليل له إلى متى تطلب العلم يا ابن المبارك؟ قال: **حتى الممات إن شاء الله**. فاكرين ابن عقيل الحنبلي الي قلت لكم عليه



ده. كان ابن عقيل الحنبلي يقول: [إني لأجد من همتي وأنا ابن الثمانين الآن أكثر مما أجد وأنا ابن العشرين سنة]. يعني وأنا عندي ثمانين سنة بطلب العلم دلوقتي، أكثر مما كنت بطلبه وأنا عندي عشرين سنة.

وكانوا يقولوله دا أنت شعرك شاب، شعرك أبيض يا عم الشيخ، ريح

بقي فكان يرد عليهم بآيات من الشعر يقول:

ما شاب عزمي ولا حزمي ولا خلقي *** ولا ولائي ولا ديني ولا كرمي
ولكن انتاب شعري غير صبغته *** والشيب في الشعر غير الشيب في الهمم
كلام كبير.

ابن الجوزي رحمه الله تعلم القراءات العشر وهو ابن ثمانين سنة يعني بعد ما بلغ ثمانين سنة لاقى نفسه خلص كل العلم، كل حاجة خلصها، وألف في كل علم مؤلفات، حتى عدوا مؤلفاته فقالوا ألف ألف مؤلف، جه وهو عنده ثمانين سنة، اكتشف إن الحاجة الوحيدة اللي مطلبهاش القراءات فقال والله لا مش هسيبها، فخلص القراءات العشر وهو عنده ثمانين سنة وختمها. وبعد كده بيوصف حاله يقول - بعد ما كان عنده ثمانين سنة وخلص القراءات - مش لاقى حاجة يعملها بقي. فقال :

الله أسأل أن يطول مدتي ** وأنال بالإنعام ما في نيتي
لي همة في العلم ما من مثلها ** وهي التي جنت النحول هي التي
كم كان لي من مجلس ** لو شبعت حالاته لتشبعت بالجنة



الإمام القفال: إمام في اللغة كبير. كان مرة بعد ما كان عدى أربعين

سنة، قال ما أطلب العلم، ثم قال كيف اطلب؟ ومتى اطلب؟ بعد كده وهو

راجع شاف جاموسة بتلف في ساقية، ومربوطة بحبل، كان في الساقية ديه

بتعدي الساقية ديه دايماً على صخرة فلقى إن الحبل أثر في الصخرة، ساب فيها

علامة. فقال: لقد أثر الحبل في الصخر من طول الأثر يعني من كتر ما حك فيه أثر في

الصخرة، فما بالي لا أطلب العلم، أطلبه شيئاً فشيئاً فلعلي أصل. وطلب العلم وصار

بعد سنين إمام كبير في اللغة، ومرجع كبير في اللغة. تعلمون ابن حزم بدأ طلب العلم

وهو عنده ستة وعشرين سنة، ستة وعشرين سنة يعني أكبر من نص المسجد، ابن حزم

بدأ طلب العلم وعنده 26 سنة. العز ابن عبد السلام بدأ طلب العلم وكان سنه كبير لم

يكن صغيراً رحمه الله رحمةً واسعة.

من الأشياء التي تجعلك تستحي من نفسك، تستحي من همتك أن ترى همة

عالية عند أهل الضلال. قال تعالى ﴿وَانْطَلَقَ الْمَلَأُ مِنْهُمْ أَنِ امْشُوا وَاصْبِرُوا عَلَىٰ

آهَتِكُمْ إِنَّ هَذَا لَشَيْءٌ يُرَادُ﴾ قال تعالى: ﴿وَإِذَا تَوَلَّى سَعَىٰ فِي الْأَرْضِ لِيُفْسِدَ فِيهَا

وَيُهْلِكَ الْحَرْثَ وَالنَّسْلَ وَاللَّهُ لَا يُحِبُّ الْفُسَادَ﴾

أين سعيك أنت لتصلح فيها؟

الكفار يصبرون على آهتهم ويتمسكون بما هم عليه من الباطل فأنت أولى بك أن تتمسك

بما أنت عليه من الحق.



دكتور عبد الودود شلبي في كتابه محكمة التاريخ ذكر قصة قوية جداً

تدلك على همة بتوع التبشير والكلام ده أو التنصير يعني. بيقول بيحكى إن هو

راح مركز من المراكز ديه، بيقول: [أذكر أني ترددت كثيراً جداً على مركز من

مراكز إعداد المبشرين في مدريد، وفي فناء المبنى الواسع وضعوا لوحة كبيرة

كتبوا عليها: أيها المبشر الشاب نحن لا نعدك بوظيفة أو عمل أو سكن أو فراش وثير،

إننا نذكرك بأنك لن تجد في عملك التبشيري إلا التعب، والمرض -يروح أفريقيا بقى-

كل ما سنقدمه إليك هو العلم والخبز وفراش خشن في كوخ فقير، أجرك كله ستجده

عند الله، إذا أدركك الموت وأنت في طريق المسيح ستكون من السعداء]. بيقول هذه

الكلمات حركت جند الشيطان المبشرين بالنيران: من حملة الشهادات، والصيادلة،

والأطباء، والجراحين وجميع التخصصات، فذهبوا إلى الصحاري القاحلة في أفريقيا،

ومكثوا هنالك السنين، وسط المستنقعات المليئة بالتن والميكروبات دون راتب، دون

منصب، ولو أراد أحدهم العمل بمؤهله لربح مئات الآلاف من الدولارات، ولكنه

ضحى بكل ذلك من أجل الباطل الذي يعتقد أنه صحيح وحق. أنت أولى بهذه المهمة

العالية من هؤلاء المبشرين الضائعين، أنت صاحب الحق

قال عمر: [اللهم إني أشكو إليك جلد الفاجر، وعجز الثقة]

لذلك إحنا اتكلمنا النهاردة عن: إنك أنت تكون صاحب همة عالية في الإلتزام

مترضاش بالدونية أبداً، إنما ترضى بمعالي الأمور. تبذل تتعب علشان توصل للمكانة



إلى أنت عايزها من الله سبحانه وتعالى. لكن لو أنت ريحت، أنا هخشي إن
أنت متكملش أصلاً أو تفضل سنين طويلة في نفس المكان أو تكون عرضة
للانتكاس في أي وقت، لكن لما تعلو همتك أنت بتأمن نفسك إنك أنت بإذن
الله من الصعب جداً إنك أنت تنتكس، أو إنك أنت يحصلك أي صدمة في
التزامك. فنسأل الله سبحانه وتعالى أن يرزقنا علو الهمة جزاكم الله خيراً علي حسن
استماعكم، وأعتذر عن الإطالة، أقول قولي هذا وأستغفر الله لي ولكم. ❁

لاتنسونا من صالح دعائكم.